

讀白華草堂詩二集

讀白華草堂詩二集卷七

辛卯

鎮平 黃 釗 穀生

過樟樹鎮王文成誓師處

吾嘗聞大勇公自任良知巨鎮將軍樹名山開士碑

謂廬

山紀功碑奇功同采石心學異符離江水如聽誓曾無倒退時

湖干雜詩

西山殘雪白仍堆南浦寒煙綠未齊一片江沙接湖岸
銷來蝶粉與鴻泥

天影湖光盡白描寒林點綴入漁樵記曾煮雪持甌看

澹墨扶疎寫定窰

弋釣生涯自上船黃頭滿意擇肥鮮帛書盼斷無消息

魚雁由他不值錢

瑞洪鎮湖魚渚雁價皆賤其時予久不得家訊故云

梳竿林立似叢蘆岬血迎神托廟巫想到圍城曾乏食

更分殘肉與檣烏

瑞洪鎮有張令公廟祀張雖陽也舟人皆於此祈神

雨絲煙縷欠分明一段間愁暗織成多是吳城小龍女

春來淚眼不曾晴

湖田被潦歎荒莊築稈堆茅等翳桑小婦提籃中婦丐

眉痕都帶柳梢黃

樺郎家在虎頭州長記年時竹箭流三十六灘

頤州至會昌有

小十
八灘春漲急但看湖水半杯浮

魚鱗魚鱗淪淪晴絮瑕消處嫩紅生
研金半幅界天那
帆在扇頭波面行

齊杳鎮到木樨灣蟹舍漁莊自往還
九十里程天水濶
有雲林處可無山

三版船窗拓紫紗荒蘆刈盡見湖窪
驚雷未碾東風暖
已有飛蟲似落霞

貴溪道中

三版船從百丈牽樓衣箬笠遞長年
水初生夜多聞雨
柳未醒時久困煙方外易求栖隱地
客中難遣試燈天

詞上卷直全三言
落梅風片天桃露幾度思鄉一黯然

晚泊河豚塘

距桃花
渡十里

米家煙樹暗朝昏岸石灘沙失舊痕前渡桃花沿不到
一江春水上河豚

重過龍潭寺悼在菴

春煙澹空林冷秀表孤塔僧樓出陂陀水碓劇騰沓開
窗鑑寒碧欲唾響先答今愁或攪龍昔歎輒怖鴿地下
紅雨霾江上碧雲雜

過山四首

連朝曠春寒宿霧猶未卷肩輿冒雨行僕夫足難展東

風逆面來截徑利如翦
寒帷誤新婦星鬢駭霧
眼重裘
陡覺薄殘酒不復煖行
行山面開去去雨脚斷

鹽車改騾綱翅車換丁
脚呀呀隻輪車欲前屢
後却衝
途阻泥濘擔負復交錯
橫行紆行強卻行仄行
弱竹兜
劇輕便風趣殊不惡
大笑比乘軒我僕亦如
鶴

深藍刷春山淺赭渲
然照溪田結茅亭村店
築茶竈雜
坐半傭販小魚有興
酒忘紗瞰翠翹茶妓
羈而笑當壚
見臨邛約畧具風貌
滿缺又桃花風鬢露娟
妙

中站遽投宿一宿始過
山常山已尺咫回首屏
風關沿
谿烏柏林霧雨迷濛
問谿橋出奔瀧鳴玉聲
淙潺朝來

詞上卷
忽開霽潑翠攢巖巒雨皆畫圖煙波共清寒

下瀨四首

煙波自清寒山水復平遠畫舸漾中流艣聲一何婉美人若春煙濃淡識深淺遠天寫夢長花柳倦開眼風懷慙星鬢好語聽加飯宵衾未用熏春衣或當潞

篷窗一鉢蘭瘦弱似蘭女惜彼婉孌姿托根果何許我有素心人移燈共蘭語未忍賦離憂聊用寫娟楚蘭心本自紅心紅識心苦明辰到蕩始共君采芳杜

梅尉居壻鄉桐君采藥地仙谷屬借煙霞窟宅異微雲釀暖香養春令人醉山高水長間賸粉零金沙因知

遮世人亦復喜妍媚
鬢髮向山阿誰憐竹如意
香車陌上花此老殊
風情至今羅刹磯猶見螺煙橫粉黛關西湖不若錢江行江潮有去來來去隨將迎隔江越州樹跨山杭州城江山復江山眉眼空盈盈

桐江舟中

舒卷雲煙倏淡濃
灘沙岸樹出重重
輕帆過我有鴛鴦
遠塔候人無情容
客裏流年如此水
夢中爲雨是何冬
東風自放閒桃李
薄醉情懷似懶蜂

湯雨生都督 貽汾 招飲署齋卽事

拂雲樹蔭連屋書
竹根杯賭蓮花壺
座上客悅孔文舉

帳下兒誇孫伯符

西湖管領今幾年南海煙墨人爭傳華燈照影醉起舞

二百廿回看月圓

余於甲戌年開劉心香先生談雨生風雅卽爲傾慕

斷釵行爲湯雨生都督母楊太夫人作

青絲盤紅絲繫初上頭時綴珠翠釵上篆有棲鸞字紅
絲斷素絲纏相看三十有九年皮金剪盡釵依然玉星
蔥髮是蒜兩頭完好忽中斷不墜窩邊墜枕畔青羊脂
白虹血隨烟銷共月缺十八年前夢死別散作玉塵和
玉屑呱呱長成幸不墜而今別有思親淚思親空看雲
望夫不化石點蒼山清泚海碧雲生雲滅曉無迹穿雲

有鳥解傳信玉釵雖斷得玉印

晚餐

鹽豉蕚羹未可無客中供膳意何如晚餐一笑登盤早
半尺桃花土部魚

題湯雨生都督

字隱圖 寫首有道
廬小像

君不見山虛水深萬壑蕭蕭古無人蹤惟石嶠曉此中
有人獨招手導入五洞循中條道人元神運元氣絕境
妙以神理超松風冷 間復作中有宏景自居三層閣
窈然而深繚而曲又如李愿棲遊之盤谷道人此境已
獨造且擬移家同葛鮑神仙眷屬海上來偕隱欣然許

終老我逢道人方說劍神采外溢精內斂琴心劍膽絕
世奇我恨道人相識遲

餘不雜詠

餘不溪畔望禺封見說唐樓亦寓公眼底叢書空越絕
輿圖披到古防風

吳憾吳愁又一時畫橋影裏有西施富家翁亦窮奢甚
做得千金媚寵姬

車騎風流接大隄江南樂府唱前溪舞衫歌扇春消歇
又遣匆匆聽烏啼

更姓應蒙禪代差吳六去後此鎮由孝經一卷榕中貯

慙煞丹陽謚隱侯

片石親題元祐年
高僧靈跡幾人傳
好循子野新詞例
搦墨從呼六客泉

甃石疏泉共館甥
依然玉潤與冰清
僧廬匝月何書讀
不共香閨博議成

龍井家風竝石泉
詩僧餘事講參禪
蘇黃張葛雲烟過
墨妙亭虛八百年

偶然題作木居士
便有無窮求福人
讀到昌黎香火句
石人頭是再來身

南園池館賸荒邱
新市重悲蟋蟀秋
二月木棉花似火

漳州西去是循州

畫壁紗籠有寺僧風流合配趙吳興
一生福具三生蓋
修到茆山管道昇

承旨當年詔未除但貪購畫厭求書
清都夢熟滄桑換
空有高情學隱居

市藥人來碧草香紫煙深處闕丹房
江南遺迹誰承認
巖月高高溪水長

總管祠前滙碧流年小插柳看龍舟
揮戈躍馬神靈在
一樣青溪祀蔣侯

柔桑一望綠初齊小住居然似隱棲
見說放年餘大願

有人持網向龜溪

蔡孝女詩

潮州志載明大順間武康蔡孝女嘗隨村人山
採桑虎突至攫其母孝女挺身扳樹枝相鬪行
三百餘步女益奮擊虎舍其母傷女血上噴高
尺許竹葉盡赤虎竟舍女而去昇歸奄奄一息
歎曰母幸脫死亦何憾遂暝時孝女家方
鰥寡三日悉成滿鄉里以爲孝感所致云

桑葉青
女血碧
桑供蠶
食血虎
食女生
眉翠亦
如蛾
身見嬌
娥行孝
娥阿母
採桑怕
蠶餒提
籠上山
虎突至

虎餒如饑不暇食母駭殲驅女奮臂扳枝格虎虎弗顧
死命奪母虎正怒粉脂雨落血肉飛女力愈猛虎力微
箬竹護子虎亦母幸返魂虎暫晚舍女徑去昇女歸
女已奄奄一息但云兒死母勿苦看兒化桑喂蠶去
喂蠶三日成繭絲納蠶作虎母領之入山採桑兒且隨
三月十日日遊山寺面壁寓酌半月泉

吳興山區餘不尤紆曲沿溪鼓權行言尋北山麓菜
花墜地黃桑條抱城綠當年松雪居舊址何處築僧寮
顏紅垣宇栖起白屋松桂流天風笙簫蕩空谷斷碑雜
荒榛古第訪遺躅眉山爲泉采東萊依舅宿猿吟與鶴

笑世界一金粟平岡接低岫煙霞中具足何時而壁僧
一窩享禪窟我年暖甘茗望古動遐矚爲憐月半規長
貯水一柳

前溪卽事四首

桑疇東南彌望一何綠時雨潤朝陽葱蒨倩出膏沐桑
翁抱孫來兒容稍稍舞我本耕田夫耒耜經曾讀欣然
問田爲老翁轉爲蹇年年誇種桑衣食尙難足種藜得
充腸種麥得果腹種桑爲養蠶成敗正難卜

養蠶如蠶如蠶娘薊平苦自從打包來有兒未遑哺飼
蠶怕饑饑饑兒夫乳儂絲心上牽蠶絲口中吐屋角

春鳥鳴灼山看火去一月鎮無眠隄防到蛇鼠我鄉田
婦勞致此爭幾許提燈夜交子耨禾日當午

湯湯餘不溪桃柳夾組翠支流港汊通曲折入郊墜菱
藍寒城闕菱藕徧村肆水鄉秋稻登鰕蟹生亦遂居人
取目前生理未可議湖漈三十六宜洩正未易圉蕩泥
積窪墮田草闕地安得胡教授來此講水利

一說水利

西吳本澤國所富惟粳稻天庾有正供輸賦豈不早漕
耗日以加詎盡吏中飽運丁盛需索官事苦難了比來
水手橫鄉村恣糾擾此輩半亡命爲患頗不小公然雞

大驚何止鷺鴒惱相呼收菱芡莫過販梨棗

偶成

茗雪清風一枕餘聊從沈約賦郊居韭花偶變來禽帖
柳葉閒編斫鱸書作客心情梅熟後坐禪風味篆香初
陶泓自是陶朱井養得玉泉金色魚

中年口腹真醒脾一笑圖經亦療饑若酒清於佳子治
芥茶香似嫩嬰兒藤拳葵手過三月蘆雀梅鰕又一時
忽憶家山成遠夢園林取次熟離支

蘇市荷鄉港以通隔溪時見小樓紅輕裝上岸來書客
賤價沿村走筆工分箔蠶孃桃葉火纜車漁子葦條風

直須補作花源記百歲相逢積穀翁

穀山學士今歲八十四嬰鑠如昔所

居積穀山之西因以爲號

枝葉看同里語傳閒詢土俗學燒田桑聾梅啞齊民術
蟹亂蝦荒泊宅編鷺汁澆時魚逆水蠶絲晾處鬻經天
殘書自引吳興謔慚謝風流比寓賢

寓蔡穀山學士家見羅浮蝶爲賦長句

我亦羅浮二百日翠禽盼斷無消息玉堂一夜扇春風
繡衣袿裳遇相識君從羅浮來可值梅花開梅花開時
我反見君來想亦曾留戀三千里外八茗溪我未卸綿
君脫屣之說今年寒較劇此間阿蛾須火炙與君同是

炎洲客相逢但願慎眠食温君龍腦香侂君薔薇露綺
羅翠閣留君住芙蓉暖幄重重護入山鍊神仙出山消
富貴如君亦差強人意勞我十樣牋取我五色筆寫君
文章並風骨金粉尋常詎君匹正是江南四月天梅子
黃時尙清寒問君可記離支熟宴罷紅雲簇作團

初夏德清南郭郊行

繡山娟妙霽溪澄抱郭桑疇覆豆塍流水落花啼鳥路
販茶挑筍養蠶僧頗思若下尋沽去尙憶禾中小住僧
消得西風物美秋來還約采湖菱

雨後絕句

詞三首青門生
開愁懶作埽之遊冷淡樊川鬢早秋一片綠陰三月過
雨聲無賴是湖州

讀姜堯章平生子姚子頽古心甚儒句有懷盛子
履射陽卽用堯章韻一首奉寄

娟娟鉢池中浩浩巖社湖湖風自可招山月亦可呼我
居水晶宮念此白玉壺蘆葦聲清寒雲霞氣華腴中有
著書八貌古心甚儒詩偶故人答酒或弟子俱一榻穿
十年百年周鼎闕老論托潛夫作賦羞子虛古懼日以
厚新知原可疎示疾或未真蘊悖聊自娛湖山領風月
印綬同鳥魚

慈相寺半月泉蘇文忠題名石刻

我昨維舟凝碧灣峽山寺頂看飛泉蘇齋

翁學士

集蘇

稱好事題名補泐亭中間乃是坡翁北還日數客追送

來松關爾來慈相見石刻六客同試清冷淵景文

劉季

子方

輔曹

伯固蘇鮑朝鄭會

二子相周旋頗疑仲謀

張詢

典郡日文酒跌宕歡羣賢搜泉剔石向林壑山水之癖

由髯仙主簿

伯固

判官

子方

各有職請假幸許從遊觀細觀

欵識再搜攷乃是元祐之六年三月十一日遊此誌載

石刻俱重刊或云是時公被召赴闕過此因留連

徐志

王宗稷所作東坡年譜載元祐六年先生年五十六在

杭州任作別天竺觀音三絕序云以三月九日被旨赴

二集卷七

七

闕其留題或在已去
郡途間取道過游

王程請假義亦當與到語妙皆天

然雪鴻留爪入石壁信筆書罷詩從刪

原詩二十字請
得一日假來遊

半月泉何人施大手
擊破水中天集中不載

惜哉真蹟久灰滅無由逸德

龍鸞一泓冷悄悄啼眼銀牀玉井空清寒何當更踵蘇
齋例集成公字重來鐫

久雨

卧聞窠鵲噪庭柯起見瓜牛貼砌莎門巷已看來客少
館餐但覺食魚多雨須且住爲佳耳雲奈思歸未得何
着屐衝泥聊遣步谿橋煙柳戀漁蓑

食魚有感

桃花開時土部美我船恰艤唐棣市梅雨盛時逆魚上
我居正對清溪港漁人一罾輒數鱗客子百錢供幾殮
水鄉蝦蟹不足計况有芼菜誇菰蕪中年口腹慙窮極
得飽懽娛亦蕭瑟那及黃鸝橋下魚艾葉穿來舉家食
釣少時隨先君僑寓吳間黃鸝坊橋畔每
遇蒲節先君輒市大黃花魚舉家飽餐

茗居雜詩

客久光陰負消磨幸有詩豈關經世事愁廢讀書時短
燭三更盡長鏡卅載隨索居吾亦得且與古人期
冥心思六合掩卷難縱橫鴻鵠應難識鷓鴣亦有生飛
騰羞落魄輕薄笑成名至竟皆齊楚誰將得失衡

有道甘司鐸吾憐盛孝章

子履

投詩兒入室載酒客升堂

瘖竹行閒墨疎梅髯上霜一官兼吏隱人海此身藏

當代虞彬父

湯雨生都督

談兵暇有餘短衣閒射虎小隊偶

騎驢讀史標心語傳家譜血書西湖乘一舸文酒近何

如

好友如明月相看不厭高清涼肝膈洞飛越夢勞筆

札皆鐘鼎湖山自節旄少年空結客徒識五陵豪

翰苑老名士

徐方虎宗伯倬

儒林大布衣

胡淵明先生淵

先朝荷恩遇

晚景共光輝

二公皆德清人

編史才蒐富窮經旨扶微前賢如

可作泛學庶知歸

淮山瞻者宿巍然魯殿存

蔡毅山學士

四朝歸史局一疏出

詞垣幸假邱園憩常陪几席溫吳公河內望重與賈生

論余初至京邸卽就吳縉菴宗伯之講
宗伯爲穀山翁執業弟子故常及之

井田與封建古制畫新疆藉以限戎馬因之靖犬羊小
生空論說上相愼周防往日靈州議何由懼叛羌

轉運江淮重頻煩幕府籌猶傳李沆法間用趙開謀臬
徙海東患鴻啓江北愁萬全知熟計宵旰虛常調

身世占蒼莢屯蒙兆久稽虛名仍腐鼠陋識等醯雞窮
達心何有行藏理亦齊但慙聞道晚何自闢町畦

寄懷何藜閣司馬

太青

荔支熟後鳴蟬咽
杪羅陰處齋魚歇
每懷脫巾著書處
六月居然對冰雪
昨來餘不溪上佳
桑柘濃遮村郭路
桑間父老念使君
知我粵人歎我語
使君本是玉堂客
愛士亦如詩有癖
閒從吏胥檢文冊
有士備書工筆書
使君拔之歌子衿
一衿足見君有心
使君暇日圖耕織
譜作詩歌勸無逸
維漕有制稅有額
使君收之不浮溢
使君去後桑成陰
婦孺念之稱至今
嗚呼吾儕讀書不
讀律官成不若民
隱悉拂衣歸矣適
其適斯人肯爲蒼
生出十年前記領
西湖開樽剪燭招
吾徒季鷹歸計思
尊鱸張翰山我家諫官在乞省墓同來笑孤山孤二

三生片石自題辭
雨潤湘纈近墨池
付與詞人摹小影
玉煙一縷沁紅絲

無葉堂中寫貝多珠輪
醯眼共編摩
人天自具長眉秀
研取輕煙上佛螺

玉臂瓊章印再生
月輪影滿桂華清
金壺滴到方諸淚
重署寒簧舊日名

返生香集配離騷
流得殘脂與剩膏
七尺玉棺花雨漬
人間寒食幾櫻桃

九日冒雨扶病買舟
至德清東門外
文明塔下登

臨江閣小坐

黃葉聲中一磴懸耳邊無漏訊初禪江湖小病歸蓬鬢
風雨重陽卧菊船天意清寒惟釀水僧厨冷淡自團煙
鶴猿鷗鷺勞相問銀鹿攜來茗自煎

杭州試院定香亭與于貞夜話

時余將北上

與君且飲西湖水看我仍為南浦雲認取定香亭畔影
修篁一徑月三分

子未自嶺嶠歸里余迂道就訪菖涇喜晤卽事賦

贈一首

奉母依兄願不乖歸來重覓舊朋儕

謂郭丹叔鍾澹齋

先疇未

乏林泉樂後起仍多子弟佳

謂令子稻孫杞孫

兩世活人儲大

藥一樽留客款高齋當前雞黍深宵醉讀到新詩眼細
楷

題仇十洲蘇米揮毫圖

墨豬未合嘲坡仙筆虎乃復有米顛當時對案揮長箋
雍邱之酒真陶然三百紙完落誰手七百年來挂人口
尺幅同添頰上毫一飯休嗤帖中韭

讀白華草堂詩二集卷八

壬辰

鎮平 黃釗 穀生

金間

河冰初泮雪晴天吳市簫聲聽可憐
一塢窖花酣曉露半塘燈舫鬧春煙
泰孃度曲催行酒博士呼茶待品泉
勾玉灣頭舊時路那禁回首憶華年

橫塘重拜陳丈

成玉

墓

墓在橫塘鎮對岸藥匙灣內

十年重展橫塘墓三尺殘碑草一叢
奠罷傷心空墮淚更無兒女祭橋公

過淮安晤子履

冷風逼長淮殘雪落碕岸維舟亟訪君入門據君案丹
黃紙叢殘補綴帙零亂挂窗蛛網懸開廚蠹魚竄疑君
近頽唐意君久嬾散君乃舉帷出握手一笑粲玉貌轉
豐腴清譚渺悲歎知君守道堅窮老未怯慙呼僮亟出
沽圍爐更添炭

與君五年別人事又變更我貧兒廢學半讀而半畊自
從水災後新築樓三楹硯田幸不惡四載勞經營君貧
兒自佳挾策遊神京曩時有陳東意氣何縱橫似聞太
學中君兒卓有聲君雖垂白年名山業已成我今負強
仕干謁慙公卿悠悠千載心奚以垂令名

潮州

齊清太守

阻南雲膠州

秋賦刺史

隔

東海君言雨故人素心

固有在移文北山來猿鶴久相待可憐草堂賢尙爲貧

交給吾儕拙進取但冀寡尤悔爲儒自酸寒作吏戒貪

猥廉泉敢望分寓書夙輕賄嗚呼山澤驪面目終不改

我師河汾宿家學紹左邱

秋浦先生

於君獨傾倒萬里勞書

郵云恨未識面詔我達綢繆文章信有神交道從此投

君詩足推重敢侈門牆收古交同宿彥松枝結龍蚪眼

前一樽酒惜未三人浮雪晴尙在竹風急仍登舟又作

一回別舒舒看淮流

羅浮仙蠅圖爲家愛盧吏部

樂之題

丙戌二月愛應眷屬至京篋中攜羅浮蝶繭數
枚至五月脫蛹化出愛廬因置酒讌賓徵詩繪
圖壬辰余至京師愛廬令子伯垂已舉京兆賢
書因出此卷屬題爲賦一律

兒說雲輶降鮑姑手攜瑤蘭出清都全家眷屬輕霓
五色文章有鳳雛金粉徧徵才士筆帔裳仍仿女仙圖
祇應長抱三珠樹漫向紅塵鬧綠蕪

三月十九日花之寺看海棠追憶古藤吟社舊游
長安三月復三月別輩九州空九州吟社漫從海北

寺街願德館卽朱續看花又作城南游好山簾額客青

限止水并眉僧白頭百年人事幾回醉十丈紅塵嘶紫

騶

謁薦主家樹齋先生留飲卽事並呈郭羽可

歲暮

張亨甫 際亮

卅年悲抱璞十獻九遺別掩袂愁緇塵攬鏡媿華髮
如愆期女論婚遲悶悶眼看新嫁娘迎門賦車牽東風
吹桃杏木額子同結感激薦士恩覘顏且往謁夫子西
江彥古學勵前哲知交二三子亦自鄙俗說論世趣已
同通名心早折林宗行誼高平子識議闊奇抱各有尚
詭遇皆不屑飲夢酒坵封坐久燭見跋詎仍羶慙慙

分塊壘豁叶嗟寒上寒不爲熱場熱自匪蛇憐虱豈望
蟬知雪平生知己人制行盡高潔瞻此得師友因之付
窮達

帝京雜詠

懷牒攜囊進郭門此來闕吏不能尊那須更費黃金致
感激先蒙國士恩

繡鞞雕鞍夾紫駝五雲宮闕鬱嵯峨天街更築翹材館
不傍金臺傍玉河

碧荷仙露綠槐風不數金家兀術宮咫尺蓬萊隔天上
儘教來往踴晴虹

碧潭飲馬想春流甘井應難此地求且向春坊求正字
爲因泉味似蘇州

高齋畫像肅文山賜宅惟餘艸色斑却應童謠呼土地
更無香火祀禪關

占風竿卓帝城邊浮漏堂深漏箭傳見說通微算天主
耶蘇法已授銅仙

淡粉輕烟南國樓東西院子亦風流馬姑娘去勾欄歇
挾彈天街走貴游

百貨駢闐廟市開招呼隆福寺中來要知景泰當時局
天子居然一市魁

銅馬門高憶慕容
奇骨相肖飛龍才
人亦願黃金鑄
巨眼而今未易逢

柴市飛沙短景移
寒松勁艸莽風吹
北來祠宇非公願
忍見衣冠肅拜時

齊政樓高指麗譙
九衢塵土捲如潮
歌樓酒館紛車馬
轉角來尋海子橋

京兆年年辦舉場
九州人到踏槐黃
大都治側靈椿里
曾住燕山寶十郎

太學儲材闢虎門
題名碑版勝瑤琨
文章能稱科名美

誰識金朝孟四元

孟名宗獻

國史存亡付詭才
底應俯首重徘徊
鐘樓街住從容甚
却走居賢寺裏來

軸簾風起觸珊瑚
鉤牆缺山鬟翠欲流
一片春陰瓊島暗
淡煙低護洗妝樓

金鼇玉蝀亘長橋
宮闕雲煙接絳霄
想到早朝乘月度
萬荷香裏珮聲遙

榆錢吹落徧園扉
故宅松筠逕已非
留得僧庵枯樹在
夕陽低處暮鴉歸

由來首善重京師
却借闍兒作旣基
舊撰東林點將錄

新翻南宋黨人碑

詞白華亭宮
駕輦馱瓶鹵簿前午門山立肅朝天阜財坊裏歸私第
一例先輸謁者錢

巴延舊第接西頭滾滾香塵逐紫騮花市已移燈市改
東風何處麗春樓

插帽香風到杏花風流豔說李唐家幽州已建慈恩寺
爭看郎君首獻茶

承華殿裏奏春雷一種風流老辨才以佛治心儒治國
故應引入我門來

白塔峇堯憶故宮至元帝后識尊崇卽今寶字開經藏
合漢西番共滿蒙

朝天宮址半民家當日清齋想翠華
依舊黃昏松柏暗已無巢鶴但棲鴉

青浮圖接黑浮圖賸壁殘塼果有無
莫問風流冉都尉月張園子亦榛蕪

西天祕密語誰聞拄杖隨方作梵文
三五殘僧數椽屋小西門外送斜曛

少師白帽媿浮屠丞相朱衣忝丈夫
何似南都開國像香燈長占美人湖

青帘紅字酒旗多積水新煙一鏡磨
彷彿開元朝士樣曲江沿岸賞風荷

銀錠橋連響閘橋湖光山色隱迢迢
碧峯一寺夕陽下
月上荷花通海潮

風月西涯訪舊鄰
蒲蓮如海浩無塵
百年半入招提境
粥鼓齋魚了淨因

岸僻橋橫印綠苔
兩行密柳夾高槐
風潭百頃青銅似
曾照中官洗馬來

平湖千頃足幽深
雲影天光瀉蔚藍
不信看花推杜曲
春來遊騎盡城南

一角孤亭萬柳絲
遠山浮堞水平池
蓮塘花嶼俱搖落

留得羣賢賦禊詩

誰向空門證畫禪
趙王孫蹟半雲煙
卽今韋偃雙松障
又落招提夕照邊

伯時妙筆久通靈
一卷尊藏等梵經
不道遊人有蕭翼
袖來贗本賺蘭亭

蕭颯鬚眉世競傳
關王祠像盛香煙
阿尼哥捏劉鑿塑
親見姚彬盜馬年

半壁街頭曉市喧
市頭人影射朝暎
長廊圯後亭臺廢
誰向平橋問李園

三里橋連三里河
菰蘆風急動涼波
絕憐當日瑤池殿
小扇輕衫鬥綺羅

讀白華寺生龍
廟側梨園祀喜神琵琶絃索日翻新莫教演到東窗事
長跪祠門尙有人

大光明界看然燈法演鵝頭最上乘五十八窗窗一佛
繁星嵌徧十三層

當年巨刹著遼金北狩人來恨至今休問汴京舊時物
斷碑兩字亦銷沈

遼廢城邊可放舟章家橋畔想經流百年水道幾難問
空向梁園憶昔遊

斜街舊認楊梅竹古刹重尋槐抱椿蝦菜櫻桃閒過了
幾人不負杏園春

購書買畫品彝尊列肆東西認廠門不是司空留片石
無人知是海王村

面首隨身事有無屯營曾此駐皇都市頭爭賣桃花馬
却少西川女丈夫

瓔珞莊嚴想化身華胥一夢證前因白頭奉養深宮裏
却取袈裟付孝純

龍虎山形護上都薊門煙樹接飛狐秋來更上慈仁閣
歷歷明駝入畫圖

燕角樓同菜圃荒斜街賸有老君堂國初諸叟蕭閒甚
家具移來築短牆

帝里煙霞傍柳湖聖安遺刹構毘盧金宗香火俱零落
尚有宸妃影像無

海棠開過餞春時鈴鐸無聲塔影移猶記南來沈元用
循廊背手讀唐碑

空亭古堞畫圖間幾處松門竹關自是城南清曠地
好來攜酒酌西山

雨後西山翡翠堆所黑煙散盡見窳臺年年雩祭農壇
近應向龍潭取水來

不鍊金丹只鍊膏漫將靈艸比夭桃紅鉛蛇女應傳徧
却比龍鬚索價高

黑寺周遭繚苑牆
秋風快馬蹴槐黃
眼前紅廟東西峙
曾是團營舊教場

望京邨接塞雲堆
曾見遼家待使來
漫說王曾宋時事
常時賓館但墩臺

廟頂方方禮碧霞
自來南頂最繁華
泥嬰瓦狗兒童樂
廿里薰風走鈿車

絳闕巍巍竦侍臣
劉元塑像技通神
是間立本還高弟
不但劉鑾有替人

殘紅滿地漬胭脂
當日名園屬阿誰
錦字未乾羅帕濕
雨窗重譜道園詞

沙風土雨幾曾經初入穹廬睡不醒今日梅花成鐵幹
不須重葢漱芳亭

月河梵院古招提苜蓿園荒址易迷一片濃陰芳艸綠
黑松林在日壇西

築臺架木野人家歲歲延秋菊半華依舊東臬問田舍
無人知有趙匏瓜

當年捨宅荷慈悲一炷檀那竝祖師同是中官誰狡黠
章公莊勝魏公祠

開寶初年玉斧遺宜和兩載石幢移東京全局翻童蔡
休怪燕山郭藥師

十里城南過艸橋，
朅來中頂趁晴朝。
花風穀雨清和序，
如此煙光不易描。

牡丹開遍海棠開，
芍藥連畦帶露栽。
日暮遊人聯騎入，
豐宜門外看花來。

萬柳堂中翠袖歌，
初翻驟雨打新荷。
恁他學士清狂甚，
解語花原不在多。

天中時節鞠場開，
萬騎傳呼躡柳來。
留得平遼碑記在，
薰風重上拜郊臺。

多少園林興廢中，
年年花事自東風。
兔葵燕麥休生感，
禾黍金遼有故宮。

腰鎌手翦等桑麻論擔挑來醉曉霞閒聽園丁談往事
賣花翁有女如花

十三層塔聳蒼穹恢到當年拓跋宮劫盡潛龍依病虎
天王力助大王雄

千泉濕水注多般地志相沿問澆淳付與經生家攷據
詩人只解說桑乾

大定明昌足四年長虹百丈巨碑鐫河名直待乾隆定
萬古平成屬薊燕

酒亭空去野亭荒袁貢風流付渺茫祇有同時劉太保
尙餘翁仲立殘陽

襖頭腰玉宰官身終向黃冠托隱淪說與他年又相國
好拋袍笏住長春

但饒寡慾與清心要語還徵道行深一事真人難免俗
白雲觀主說燒金

東征士卒痛沙蟲墓是哀忠寺憫忠尙有刊溝遺骨在
年年悲嘯白楊風

營汴曾興土木材薊邱也築釣魚臺衛王殂後昇王徙
曾見鑿輿幾度來

水鳥沙禽拍拍飛沿隄垂柳更依依玉淵潭畔遊魚出
一角斜陽客已歸

翰林碑寫蜘蛛塔大將臺圍螞蟻墳同向空王聽說法
火增蛾自水生蟲

漆鐙銅盃劇淒涼夜半香魂繞佛廊環珮歸來奈何許
沙聲如雨月如霜

曲折花塍界小溝主人愛客劇風流齊奴步障空豪舉
不及張園昇竹兜

入雲塔勢迴嶙峋敕建穹碑付閣臣宰輔能勤天子孝
敬將慈壽比長椿

香火情看兄弟無傷心隆福住浮屠迴鑿漫賞清風店

九命黃郵問呂姑

酒場茶社比樊樓紺宇紅門近御溝卅里高梁橋下水
不教白日澹幽州

米家園間米家鎧邱壑亭臺見未曾一種風流天付與
水曹清暇似閒僧

綠蝴蝶鬧做名園汜海堂開萬壽樽猶有飛鸞仙翰在
漫將谿壑比花源

麥莊橋上瞰西湖翠閣珠林入畫圖指點宣皇停蹕處
玉龍噴雪滾仙壺

億萬金錢布施來不應虎口對山開木球稽首尋常事
却弄禪門狡獪來

襄徒何關帝里貧有人望氣識金銀但看天水冰山錄
家盡應教怨輔臣

石人隻眼起紅巾丞相頭顱委墓榛莫怪流螢偏惡劇
眼光聊照冢中人

丹黃紫翠列屏間金粉圖成未易攀輪得六宮蛾綠用
冷泉邨看畫眉山

趵突泉噴萬斛珠風光曾似濟南無趙家隄上陰陰柳
一鏡澄泓比聖湖

遁甲書傳夜祭星沙飛石走畫冥冥時平斥候無烽火
寂寞荒臺點亂螢

空山石室闕祠堂道統門高禮器藏他日有人忠配食
故知吾教勝空王

七尺秋墳指鮑家貂璫遺骨葬松花夜深鬼向山門唱
不誦佳詩誦法華

封侯塵想似貪癡兩兩青童骨相奇暫歇十方霖雨手
祕魔厓畔侍盧師

佛身七尺幻藤胎尙有金剛火裏來一笑依然無我相
是原枯木是寒灰

湯泉自昔豔驪山霧閣雲窗洗玉環一十八盤珠殿邃
也流膿馥到人間

柘枯潭涸記唐年龍性難馴却喜禪自是善男兼信女
果然捨宅便升天

參差樓閣總神山
歷歷街榆列宿環
圖取皇都春色去
可知天上勝人間

五月廿九日徐廉峯編修

寶善

家樹齋先生招同

端木鶴田

國瑚

李禾叔

孚忠

兩中翰溫明叔檢

討葆淳

季仙九編修

芝昌

嚴問樵

保庸 曹良甫

懋堅

李石梧

星沅

三庶常蘇賓嶠

孟暘

王慈雨

欽霖

兩吏部溫翰初

肇江

馬湘帆

沅

兩戶部戴

雲帆

綱孫

工部陳登之

延恩

別駕潘四農

德興

解元林紉秋

滋秀

艾至堂

暢

許珊林

植

和稼軒

寶辰

四孝廉苗仙露

學植

張亨甫

際亮

兩明經

江亭消夏卽事

火雲焮地日灼天熱塵噴作窰臺煙耳邊銅盃聲清圓
呼童斲冰取百錢將身跳入清冷淵此時道暑愁無地
片刻清涼亦快意玉堂仙客出人間手拓銀屏一十二
招邀羣賢入座中習習天風動衣袂遽然一夢落江湖
荒塍積潦叢菰蘆提鷗挈鷺思吾徒楚山越水從追攀
炎荒風景亦不惡離支萬顆懸虬珠眼前高會九州客
同向軟紅憶鄉國西山一角雲漢圖挂向空亭生畏色

却看林頂冒煙氣，劇望磬頭翻水墨。日長坐久雙眼慵，
哦詩相約招松風。卽今圭壁祈齋宮，農壇咫尺景正
中。沈雷隱隱車隆隆，歸向龍潭呼黑龍。

讀顧秋碧

槐三

然松閣詩文集賦贈一律

小謫人間五十年前，身非鬼亦非仙。蛇珠握處都疑火，
燕玉埋來已化煙。白下漆鐙名士冢，黃山銅鉢祖師禪。
逢君只當龍威丈，探到包山第幾編。

送馬芷齋同年

福安

由庶常出宰犍爲

時余座主
花曉亭師

爲四川

臬使

粵稽才伯翰林記，庶常改自永樂時。

黃忝臬翰林記庶
吉士改知縣始於

承樂十
二年 是時儲材方待用循良吏要經術爲邇來詞臣

侈清祕辭賦所業多卑卑轉嫌作吏未免俗玉堂天上
人難窺惟君淹通世所重等身著作方交推鄒枚董賈
今豈乏鴻業潤色當禕而日昨除書下政府君當出宰
西川唾蘇軾奇才孰歎賞韓愈可惜空嗟咨願君無喜
亦無慍感恩述事鳴之詩東南財賦愁杼袖近聞蜀府
猶可支苗彘戴德黔黎頌武鄉配食誰當祠更聞益部
山水奇出隴入棧輿騾隨菊花楓葉正鳴鶻青衣江上
看峨眉以君吏事本儒術文翁之教其奚辭鄙文夙望
江山助龍門史筆還堪持儒林循吏莫位置貨殖亦可

窮羌氏半生此意未經道送君從政姑言之陸莊荒矣
材久棄繡衣直指慙吾師

賀雨詩

維歲壬辰節過仲夏畿輔亢旱赤地若炙雨無其徵懼
傷我稼圭璧旣徧澤久不下 皇帝焦思首詔肆赦澤
猶不下 皇帝修省 皇帝深宮豈有嬖幸 皇帝孝
慈堯舜可竝 皇帝敬 天 皇帝勤民省實無愆致
災何因御史上言刑獄宜恤惟司寇臣慎茲丹筆 皇
帝曰俞當軫冤抑御史上言督撫欺蔽厥象爲蒙澤不
下逮 皇帝曰吁因循之弊 皇帝手詔至再至三澤

久不下下民何堪御史上言亟籌荒政 皇帝有詔粟

出以罄京尹集議是宜酌劑 皇帝曰嘻朕爲民計

皇帝爲民躬祀 方澤澤仍不下焦思未得 皇帝焦

思遠及泰嶽維嶽興雲澤宜沾渥乃 命親藩詣嶽祭

禱爾廚爾傳毋騷毋擾 皇帝一念宜格 蒼昊澤仍

不下農事孔亟節已大暑朝不及夕爲民請命效湯奚

惜諷曰 大雩步禱至壇 命大宗伯具儀以聞宿躔

在室危日壬寅 皇帝齋畢步出午門赤日照闕天無

纖雲 皇帝至壇淵默以俟自辰至戌目惟天視奔濤

驅來快風驟起雲興龍屬雷揮電使百萬銀槍羽林激

矢簷溜齊鳴蹕塵載洗臣民抃慶 皇帝載喜恭惟

皇帝至誠感神 昊天其子以慈以仁雨珠雨玉維寶

維珍 皇帝還宮默思 昊貺跪告 聖母仰荷 太

上惟 天 祖 考實昨七鬯仰惟 皇帝勤咨博訪

陰奚以伏陽曷致亢惕厲憂勤奉三執兩自致和甘豈

繫卿相

東蔡樹百同年

蕙清

人海浮沈久憐君意氣真詩從十年富家爲一官貧痛
飲酒酸苦酣嬉花笑翠同年數丁卯惟我共緇塵

送海颿出宰黔中

牧令不可爲予昔論殊激君雖違我言傾聽亦嘿嘿我
從廿年來足蹟所經歷時事肘多掣世故目親擊劇盜
出山東流民徧河北白蓮盛根株蔓延不可摘畿輔今
尙爾外省風久熾保甲安能行徒自抱文冊三江財賦
邦鹽漕養盜賊糧艘聚亾命梟賊劫行客村墟竄豺狼
道路塞荆棘官當學聾聵安敢議刑辟匪徒要秋血禾
莠苦難識此輩半天下江閩黨尤劇我行所見聞經過
猶屏息維黔遠中原其地實荒僻民因淳始貧土以薄
更瘠民貧鮮侈淫土瘠少供億以君好清靜作吏尤謹
飭此邦尙可爲無事多變革但聞黔中境苗彝多寨柵

醜者怒自操美者錦能織以彼蚩蚩氓固亦知順逆行
當馴擾之勿令有苛責庶幾體 皇仁一視等蒼赤邇
來楚粵間逆獠恣鬼蜮焚殺豈天心欲已竟不得頗疑
吏治疎養癰已自昔嗚呼朝廷恩但爲身家恤牧令誠
可爲家肥國何益君誠有心肝我自抒胸臆

邱節母詩

節母姓徐曲
周令贊嗣母

君不見黔婁妻爲夫守正覆衾角又不見柳下妻畢生
誅諡爲夫作當時漆室有嫠婦生前皆已供箕帚何如
東海賢女今徐淑苦節能令神鬼伏夫病迷心命旋促
人門便自空房宿升斗不給反辭粟曰余孤虛本薄福

但願立孤讀書能充宗余能卵之翼之作黃鵠孤也果
如李昂英根氏已厚學有成萬民奎躡堂下行解牛正
復如庖丁母也星鬢已得旌軫懷舊事悲惻惻一日九
迴腸胃縈熒熒燈憶東壁青如蹈虎尾涉春冰危乎其
危廉與貞美哉淳此井水清卽今門閭張大思式穀古
柏參天蔭蘿屋貞祥豈待芻蠅卜

題陳煥巖徧遊五嶽圖

憶昔初識君五嶽已遊二示我居庸踏雪圖鐵積銀封
削寒翠今來再逢君五嶽探已徧薊門煙樹洗春青插
脚紅塵告遊倦十五年來一刹那閉門慚說著書多青

韃布鞞猶難辦奈此胸中五嶽何

寄呈禱士師

先皇己卯秋八月瑣闈校士宣吾師衡文餘暇樂詞翰
各染璇筆誇淋漓吾師有圖集眾妙繪就桃李兼蘭芝
其年四月春官試詠也得捷慰舍館院中八埽認腳迹
階下三秀舒拳蕤絳趺赤箭紛掩映光風瑞露剪華滋
繫余受知在丁卯越十二載仍愆期自慚桃李不成實
標梅有歎同嗟咨清秋叢桂一枝掇師於此日重掀眉
西風獵獵吹旌旗前驅五馬看威儀 天子有命守益
部出國門日仍迫隨諸郎傳舍話一宿侵晨跼別悲臨

歧嶽叢天半非險巖仰視西北浮雲馳奉輿叱馭忠孝
慈及民之惠餘棠碑天子有命陟監司維藩陳臬非
卿誰庚辰相距又一紀門牆仰望增檐楣鯉庭桃李新
陰覆柱林使節蘭君持嗟余小子本樗櫟不材之木斤
難施棘闈十試八遭放龍筆相賞空爾爲諸郎見憐師
垂憫長安居久事可知芝蘭桃李各生長師生父子同
恩私嗚呼師生父子同恩私衞環之報當何時

苗仙露明經

學植

以所藏漢河間獻王君子館壻

王陵唐開元瓦拓本見示爲賦二絕

漢孰唐瓦幾存留真賞人非贗鼎求曾向詩經村裏過

自慙好古不能收

河間詩經村爲毛公故里吳鑿菴
宗伯視學畿輔時余在幕襄校

車斑斑又出河間礫
徹榛蒙半墓田見說燕昭先築館
黃金臺址冷秋煙

題莊西樵農部罷鍛圖

西陲已報平安火
謀士談天等炙輠
知君胸中有武庫
閒向受降城外坐
歸來示我罷鍛圖
風趣髣髴同踞觚
才鋒自好不須斂
呼童煮酒重圍爐
聞道天家泉府詘
司農足國當何術
銅官鐵冶罷不得
看君淬厲精神出
吁嗟乎銅官鐵冶罷
不得君知富民卽富國

岳武穆王精忠硯歌

山右宋氏藏云得自
藁城徐中山王齋

朝端自弄老秦筆小紙封來付獄卒鄂王此硯亦何爲
碧血銷殘賸青骨四十七字刻硯牆洪武間賜中山王
棗城嫡系留皇華宋君得此逾球琅當時涅背亦四字
片石鐫銘同此義丹心貫日

四篆字
鐫硯頰

永不磨款識湯陰

鵬舉識是真是贗毋見疑王工妙翰宜有之流傳銅爵
人猶寶感觸金牌客盡悲君不見瘦金遺札多零落宣
和故物淪沙漠宸翰徒工割地書副墨仍留格天閣維
王奮筆何淋漓想見飛書草檄時閒揮潭水松風句亦
寫憑闌歛雨詞二百年來寄精魄第一功名賜開國鸚
眼盈盈作淚痕如此風雲堪歎息吁嗟夫東宮密計等

畫灰三字何嘗藉硯材封苔玉印應同泣墜井銀瓶更
可哀

寄漁圖爲莊八心庠題

君家樵兄吾老友廿年燕市同呼酒生平意氣略形骸
漁弟相逢更非偶釣絲自把青琅玕寄興聊從畫裏看
芒鞋箬笠蘆中士七尺昂藏相不寒君不見樵兄上書
出寒峻一朝身佩司農印西樵捷後授戶部主事功名遠勝朱翁
子四十依然尙青鬢雲橫碣石秋風高魚龍萬變噴海
濤看君便躡樵兄迹更上神山釣巨鱓

端木鶴田國朝太鶴洞天石歌

石黝質文理作龍鳳松檜紋鶴田得之於書上
易堂鐫曰太鶴洞天屬余賦之時鶴田官京師

寓趙吉士寄園故居

我聞大峨仙家居蜀江上定州得石鐫雪浪灑瀨瞿唐
牛馬狀君家太鶴峯洞天壁立青芙蓉霄上易堂屢夢
見中有龍鸞旋舞檜柏與樛松移山縮地渠有術一朝
易堂見此石研朱爇墨露初滴以易解石石證易石角
四字小篆鐫居然太鶴之洞天不知洞中琳書玉簡何
言詮似言四千日內君心有如此石堅鴻儒老學動
天子應詔偕來三千里寄園藤陰風日美易堂藜榻今

移此我家羅浮之北滄海東
揭來燕市軟塵中逢君袖
石出相示風流蘇米將毋同
嗚呼古人已往不可作看
君抱書轉祕閣未容思歸樂邱壑

張亨甫以博陵登城圖索題時亨甫秋試報罷將

出都

英雄熱血才人淚一例悲秋弔古來
夔府浮雲遮玉壘
幽州寒日澹金臺
眼前駿馬心都死
身後名王骨且灰
此去蕪城休作賦
龍蛇滿地更堪哀

時南河決口

乞許珊林

榘

書仍未識字齋額并求苗仙露跋

倉頡去已遙六書久茫昧
撐腸侈萬卷識字得幾輩
許

君叔重孫家學有專嗜坐閣檢古均閉門索奇字輒覽

訂年代鐘鼎初款識金石稱富翁

珊瑚林自刻印章金石富翁

雅尙足

高寄閒情銘盤匱妙筆工篆隸苗君毛貫徒絕學出孤

詣河間躡屩生奏樂陳古器傾聽若初聞本義匪新意

千年滋謬訛一旦豁蒙翳嗟此綆獨深喜彼緒未墜自

從日下來相見各投契願余轉自慙頭銜署何易

余所居願

爲識字耕田之舍

耕田或庶幾識字殆猶未苗君能發矇許君

夙好事小齋設檀鑪焚香淨掃地漢學亟共匡沈韻姑

且置便當長下帷何用更投刺

題聽泉圖

前年維舟凝碧灣松門石磴從登攀大峨仙人返天上
但餘琴筑鳴空山而今插脚軟紅裏九衢雷轂殷人耳
披圖感觸故山秋鶴笑猿嘯七千里

端木鶴田以其尊甫樸山丈清溪坐隱圖屬題爲

賦

括蒼山前一谿水當時曾洗高人耳聞道長安似弈棋
從此鶴書徵不起金門吏隱復何人來看瀛洲賭玉塵
九天真誥焚黃授想像華陽訪道巾

奚虛白山人

賦

歸雲曳杖圖鶴田屬賦

歸雲山中雲幽獨賦自媚顧惟艸莽姿本乏霖雨意當

時秦人來

孫太初曰稱秦人

樓遁跡多祕悠悠二百年巖壑迴

蒼翠青田有老鶴亦此結霞契雲心與之遊事外多遠
致鶴飛上九天雲空寄孤寺韓孟將毋同巢由定稍異
披圖動遐想出山或非計行當入道場看雲杖同曳

潘四農

德輿

煙雨課耕圖

我有一畝宅自稱識字農築樓名鐵畊居然比素封硯
田無惡歲尙堪給飧饗此樓甫落成伐鼓兼收鐘鼓真
有鐘鼓詩歌韻和雍

四農亦以鐵畊樓詩見貽

自惟處田間耦耕誰

相從出疆復負耒六合空橫縱得君乃恨晚拱立生敬

恭君家在射陽故宅高樛松堂堂大中丞

四農先祖名墳明史有傳

詔穀幾平

干鍾四農祖此訓

中丞有四農說故因以爲號

可使無荒

凶食德已不盡服疇當無庸方今急隄堰淮泗厯九

重君如念里梓何策疏湖葑課耕老農事讓余督惰慵
看君冒煙雨折筴鞭癡龍

葉潤臣

名灃

風雨懷人圖

萬木號呼水氣涼空山神鬼遍虛堂孤樽冷幌支頤坐
銷盡離騷心字香

汪端明

立信

贈文信國硯

硯側有信國自題字京湖制置使汪立信贈天

祥咸淳十年甲戌文氏家藏硯背鐫信國像下方有明揚文忠廷和刻信國衣帶中贊語并跋硯今藏漢陽葉東卿家

吳淵老去趙葵死滄海橫流幾知己獨餘片石贈文山
青鐵心肝亮同此當時寄硯如托孤我不負國君當如
聞君尙有玉帶生石交之訂應不渝咸淳十年事可知
文山得此空驅馳知己之贈不可辭細書深刻留其詞
何人縮影鐫硯背長目秀眉儼圖繪成仁取義果何慚
盟手新都寫衣帶吁嗟夫二策抵地詬瞎賊涕泣陳辭
想顏色雄姿偉狀將毋同硯背何當看雙刻五百年來
翠墨香神交憑弔總淒涼風沙攪凍來燕市天水吹塵
入漢陽

張淵甫履靜觀齋四圖

出門駕柴車但覺俗塵流
歸來亟閉關忍拾古人唾
傲
帝自足珍高軒勿枉過

却掃讀書

琴含太古音山藏太古色
空谷靜傳聲
楚然蒼幽屐黃
葉堆階深到門惟鹿跡

停琴遲友

註禮据牛田讀史徵牛耕具
區古藪澤愛此莎艸平
我能爲傭豎君何羨公卿

春郊放牧

手種橘千頭向客誇
奴婢豈知羣材中固有佳子弟
山居種樹
居二十年所得止此耳

和子貞從淵甫乞顧南雅侍講畫梅橫幅作用朱

茶堂副憲韻

憶張昨示冰雪詩冷光射我雙眸子空齋素壁想橫斜
拂拂寒香來字裏眼前二子足清奇縱不見花亦可已
凌晨破凍鑿硯池乍看初陽透窗紙翩然排闥出橫幘
捉袖同觀色殊喜君因舊執素常面我雖無介名早耳
空山老鶴緬精靈前夜月寒天似水大江東去掠金焦
歎息芷翁亦已矣昨夜與客述宋芷灣先生事先生與顧交最相得滇池燕邸
數相過賸墨遺練亮同此風騷老輩今數誰屈指朱翁
應繼美我詩豈當兩鳥鳴觀竅聊將蚓蛙比

次韻和陳敬山同年

興禮

對雪之作

大裘有願庇孤寒眼見朱門未肯干缺陷無多平去易

聰明如許得來難
江湖往跡爪雙印
樓閣華嚴指一彈
廿載梁園舊賓客
不堪對檢鬢毛看

次前韻和馮子良同年詞

十年螢案對清寒
今日煙鴻始漸干
老屋尙存圖未得
深山雖好臥應難
梨花酒冽增腸熱
柳汁衣單聽指彈
眼底無塵心更淨
中天明月許同看

敬山子良皆於寓廬邀同年作消寒近局卽事次

對雪韻一首并簡何心如敬中駱顓門秉章雨

同年

僧廬近局約消寒
凍雀巡檐唱紆干
無事卽仙殊不易

多情作佛亦應難。雪妍梅醜平心較。竹脆蕉堅刻意彈。
五萬春花如夢裏。酒痕愁檢故衫看。

陳登之以罷讀圖屬題時亨甫已出都瀕行屬題
其翠微讀書圖未有以應也故竝及之

腹拄萬卷書身臥百尺樓。吁嗟湖海士豈屑章句囚。作
圖曰罷讀讀者皆可休。君意卽不爾我言抑有由。同時
有張子歸去闕海頭。翠微讀書處屬我一言留。我言恐
觸諱。忍若乙在。喉君終爲世用。勿以貲郎羞楹書。且姑
藏。價仍重。琳瑯還讀與罷讀。均之非怨尤。

凡熊圖爲沈退甫母李孺人題

退甫爲鼎
甫姻親

父六十母二十當時敢望兒成立母未亾父既亾斯時
止有兒在傍子母勞勞依爲命屋角防梟室防獍篝燈
課讀燈影定十五年來淚常凝母苦節兒苦志欲請旌
格于例作爲圖比九熊今吳興昔河東吁嗟夫九熊之
苦苦口耳誰識苦心有苦李

送子良歸浙上

西山寒翠如鵲華江亭潦似明湖窪歲云莫矣風雪作
君居且念投林鴉鴉巢子母聲嗒嗒孤客感此思還家
君家南海寄東海有母銀鬢垂髮影冰鯉尺半待供膳
厯下亭子荒蘆葭長安索米土何事高陽取酒人誰賒

君今去留豈難決莫更愁緒紛如麻僧廬客舍近尺咫
疲驢破帽當風沙消寒有約忽復散祇此未免生咨嗟
羊羶駝褐嚴結束出門跨上流金駟北堂定省色應喜
差勝注選趨南衙我今留滯在京國自顧身世同匏瓜
桂炊玉浙更奚取塵縈髮素將何加君行令我思天涯
山中鶴子妻梅花

題潘紱庭

曾紱

睡香花室詞橐

一卷生紅絕妙詞小樓春到賣花時

紱廷詞句

吳中團扇新

翻樣公子家家競繡絲

消寒四詠

紱庭屬和

栩栩入園裏苦將春夢尋抱香憐晚節學道悟冬心金粉畫圖褪丹青花樹深羅浮天正暖消息問梅林

寒蝶

東野千年後酸吟汝亦勞怨誹宗小雅幽憤祖離騷人靜壁燈暗霜濃窗月高壯心消未得併入曉雞號

寒蛩

辛苦蘇卿節流亡鄭俠圖入關隨鼓角失路逐江湖識字多憂患能鳴或歎吁年年如作客來往未窮途

寒雁

脫葉共淒颯黃昏一陣還江淮樵尾趁風雪樹頭間擘海愁金翅幽宮怨玉顏忍飢仍噉口乞肉自來艱

寒鴉

臘月廿七日陳海虹

文滢

生朝邀來小酌歲暮懷

人藉慰岑寂用成一律

臘鼓鼙鼙歲向闌與君隔夕試辛盤醇醲春酒靳多壽
冲澹冬心慰寡懽故國早梅遲夢熟荒郊修竹倚天寒
瓦盆自有田家樂兩地相思幸少寬

讀白華草堂詩集卷八終